

Dr. Mahathir akan rasmi Seminar Peniaga2 Getah Bumiputera di Universiti Malaya



■ DR. MAHATHIR

KUALA LUMPUR, Selasa — Timbalan Perdana Menteri, Datuk Seri Dr. Mahathir Mohamed, akan merasmikan Seminar Peniaga-Peniaga Getah Bumiputera Peringkat Nasional di Universiti Malaya, 19 Mei ini.

Seminar tiga hari itu dianjurkan bersama oleh Lembaga Pasaran dan Pelesenan Getah Malaysia (LPPGM) dan Kementerian Perusahaan Utama.

Satu kenyataan dari Lembaga Pasaran dan Pelesenan Getah Malaysia hari ini menyebut:

- Objektif seminar itu ialah untuk memberi panduan kepada peniaga-peniaga Bumiputera dalam aspek penjualan, pembelian dan permutuan getah.

- Mengenalkan mereka kepada agensi-agensi kerajaan dan lain-lain institusi lain yang dapat membantu mereka, dan

- Menggalakkan penyertaan Bumiputera yang lebih luas dalam perdagangan getah.

Beberapa kertas kerja akan dibentangkan oleh pakar-pakar dari sektor awam dan swasta.

LPPGM telah mengadakan seminar seperti ini enam kali di peringkat negeri dan kawasan sejak tahun 1977.

Menurut kenyataan itu, dari maklum-balas yang diterima didapati peniaga-peniaga getah Bumiputera yang pernah mengikuti seminar seperti ini telah dapat meningkatkan kecekapan mereka dalam beberapa selok belok mengenai perniagaan getah.

Bahan asal dari Arkib
Negara Malaysia